

Мусулмон гуноҳ қилса дарров тавба қилади, фожир эса унинг акси



ҲАСАД САМИМИЙЛИКНИНГ ЗИДДИДИР

19:50 / 01.11.2022 1026

Абдулмалик ибн Мажшун имом Молик роҳимаҳуллоҳнинг шогирди эди. У фақиҳ ва обид инсон эди. Мадинаи Мунавварада муфтий эди. Кунларнинг бирида шогирдларидан бири келиб деди:

- Қизиқ иш бўлди эй Абдулмалик! Аллоҳга қасамки, қизиқ иш бўлди!

Абдулмалик сўради:

- Қанақа иш?

У деди:

- Боғимга бораётган эдим. Бир ўғри йўлимни тўсиб кийимларимни ечишимни сўради. Мен сабабини сўрасам шундай деди:

- Мен сенинг биродарингман. Менинг кийимим йўқ. Сенда эса бор. Сен етарлича кийим кийдинг. Энди уларни менга бер!

Мен дедим:

- Ахир сенга кийимларимни берсам авратим очилиб яланғоч қоламан-ку!

У деди:

- Ҳечқиси йўқ. Мен имом Моликдан эшитганман. У киши: «Кишининг яланғоч холда ғусл қилишининг зарари йўқ», деган!

Мен дедим:

- Одамлар менга йўлиқиб авратимни кўришади-да!

У деди:

- Бу ерда одамлар йўқ. Акс ҳолда мен сенинг йўлингни тўсмаган бўлар эдим!

Мен дедим:

- Ундей бўлса боғимгача етиб олай. Ўша ерда сенга кийимларимни ечиб бераман!

У деди:

- Бўлмайди! Сен хизматкорингни сultonning ҳузурига юбориб мени тутиб бермоқчисан!

Мен дедим:

- Ундей эмас! Қасам ичишим мумкин!

У деди:

- Бўлмайди! Мен имом Моликдан эшитганман. У киши: «Ўғриларга ичилган қасам ўз соҳибининг гарданига ҳеч нарса юкламайди!», деган.

Мен дедим:

- Қасам ичиб айтаман, қасамимда сенга ҳийла қилаётганим йўқ!

У деди:

- Мен Набий соллаллоҳу алайҳи васалламнинг замонларидан то бугунгача ўтган ўғрилар иши ҳақида тафаккур қилиб улардан бирортаси насияга нарса ўғирлаганини билмадим. Ўғрилар ичида бидъатчи бўлишни хоҳламайман. Кийимларингни еч!

Мен кийимларимни ечиб унга беришга мажбур бўлдим!

Бу ҳикоя латифага ўхшасада, аслида бизнинг барчамиизда юқоридаги ўғрининг ичида бор нарса мавжуд. Яъни, биз гуноҳларни илмимиз озлиги, шаръий билимларимиз етарли бўлмагани учун эмас, тақвойимиз камлиги ва парҳезкорлигимиз озлиги учун қиласиз.

Бу нарса табиий. Биз гуноҳкормиз. Хатокорлик ўзи инсоннинг сифатидир. Аммо мўъмин гуноҳ қилиб қўйса дарров тавба қиласи, истиғфор айтади, Аллоҳга қайтади. Фожир эса гуноҳда давом этади, кибр қиласи, Аллоҳдан юз ўгиради!

Иблис ҳалол-ҳаромни билар эди. Илми уни сақлаб қололмади. Уни ҳалок қиласиз нарса кибридир.

Фиръавн ўзининг кazzоблигини билар эди. Намруд битта пашшани ҳам яратса олмаслигини ўзи яхши билар эди. Таврот ва инжилни ўзгартирганлар уни бошқалардан кўра кўпроқ билишар эди.

Айтмоқчи бўлганим, илмимиз ёнида доимо тақво, парҳезкорлик, Аллоҳдан қўрқиш ҳамроҳ бўлиши лозим экан!

Абдулқодир Полвонов